

**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

8. Gravis essensio in re parva.

---

[urn:nbn:de:hbz:466:1-68709](#)

Nescio tamen, an non hoc, quod de Orpheo fabulosè traditur, ab amoenissima historia supereretur. Ansberta nobilitate, opibus, virtute præstantissima matrona, sexus & nationis suæ (Germana fuit) eximum decus, admirandum fidei & amoris conjugalis exemplar, ut maritum suum, Bertulphum nomine, è captivitate & servitute Turcica liberaret, virilem induit habitum, fidicinem simulavit, in Palæstinam navigavit, barbarumque Tyrannum adeò testudine suâ demulxit, ut in prœmium suavissimi cantus, captivum ei juvenem, tum fortè sub aratri jugo ingemiscentem (conjug erat) donàrit; quôd cum salva & incolumis, nec nisi tamen post multas ambages agnita, patriis est laribus, & conjugali thoro reddita. Historiam fusè & eleganter enarrat Jacobus Bidermannus in acroamatibus lib. 2. acroam. 2.

VIII. (b) In Orpheo præterea reprehensionem meretur inconstans in bene cœptis. Nam qui uxor reductione iter formidabile in se suscepit, & tanta pericula exhausit; quem nec triceps Cerberus tartareæ janitor aulæ, nec terrifici Furiarum angues: nec tremendus stygii vultus tyranni absterruit à proposito repetendæ conjugis, denique cùm jam haberet, quasi in sinu suo dilectam Eurydicen, non potuit continere lumina, donec in plenam lucem emerget. Curiosè reflexit oculos, & unico momento temporis, quidquid tantis laboribus quæsivit, perdidit. Merito Virgilius:

Ibi omnis effusus labor.

Deinde legis à Plutone latæ nulla erat difficultas: quid enim facilius, quam temperare nonnihil respectui. Et hoc ipsum tamen præceptum haud sanè operosum violavit mollior animus. Gravis ostensio in re parva. Ita Loti conjugem contra vetitum Sodomæa incendia respectantem, eodem temporis articulō pœna est consecuta. Ubi peccavit, ibi hæsit in vestigio curiosa mulier, inque salis statuam est conversa, meritò inter metamorphoses numeranda. Gen. 19. Ex illa sapient feminæ, ex Orpheo viri.



T t

SYM.

(b) Gravis offendio in re parva.